



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Alius per Bellarmini scripta co[n]uersus. n. 8.

urn:nbn:de:hbz:466:1-38320

1611. (quos omnes aspirante Deo efficiam Catholicos) deditis animo consilium, exhibete corpori auxilium; non possum plura præ &c. Hæc autem vt cuncte se habeant, non solum paratum cor meum, paratum cor meum, sed & fixum cor meum, fixum cor meum, adiuuante me Deo, quæcunque in labore facere, quæcunque in dolore pati, citius quam à fide Catholica Ecclesie Romane amoueri: Nunc enim post nimbus sol; post tonitru Cœlum serenum; tranquillior iam facta est conscientia, Deo gratias, solidior iam fides, firmata mihi pax: Naus mergitur vel quia infirma, vel quia tempestas opprimit, vel quia Naucleus dormit: Anima parua est: Deum igitur Patrem inuoco omnipotentem ut in virtute sua corroboret meam infirmitatem; Deum Filium lapin-tem, ut imperet ventis superbiae, & conculcer fluctus mundi ne animam ob-ruant; & Spiritum Sanctum, Deum bonum, ut me semper exerceat suis inspirationibus, ne vuquam requiescam in securitate, aut propter peccata ob-dormiscam in morte. Idem Deus in Trinitate unus, & in unitate Trinus Reuerentiam vestram & anima & corpore seruet incolumem. Datum nono Iulij Anno Domini 1605.) Scripta sunt ista à nondum Ecclesiæ conciliato: Annus vix labitur; mittitur Carolus Cornwallis Orator in Hispanias: Hunc sequitur iste, & non longo interuallo redditus Ecclesiæ donatur à Rege verè Catholico affignatione pecunia quanta illi, vxori, liberis sufficeret sustentandis.

Alius per Bellarmi scripta cōuersus. VIII. Jungamus & tertium quartumque eiusdem generis homines qui non Personij quidem libris, sed scriptis Bellarmi & similibus lucem accep-erunt & gratiam, fortunam locupletem ut spernerent famamque vulgi præ animæ in Catholica securitate. Ex quo & illud colligi poterit, quod quamvis ex plebeis fortasse plurimi possint ignorantia non vincenda la-borare, & ab heræcos aut Schismatis vitio liberi esse, quoniam aliud nihil contingit legere aut audire præterquam quod odium prouocet rectæ Religionis; inter doctiores tamen difficulter possit quisquam esse immunis, quin videat meliora, probetque, sequatur vero deteriora, vel obstinatione iudicij, vel rerum amore mundanarum: de quibus Apostolus ad Titum: *Hære-ticum hominem post unam & secundam correptionem deuita, sciens quia sub-uersus est, qui huiusmodi est, cum sit proprio iudicio damnatus.* Etenim quamquam nullum habuerim externum monitorem qui eos verbo corriperet, inter tam multos tamen quos versant libros Theologorum, Concionatorum, His-toriographorum non possunt non vehementi tangi dubitatione an rectam ineant ipsi viam qui à Romano-Catholica discesserunt. Ex his viris suam his verbis explicat conuersionem ad Cardinalem scribens.

Reuerendissime & Illustrissime Domine. Si mihi licuisset in Anglia veri-tatem scriptorum vestrorum vel ignorare, vel afficerere, nunquam credo lite-ræmæ ad vos peruenirent in Italianam: Cūm autem neque doctrinæ vestræ lumen declinare, neque iniurissimorum hominum calumnias ferre possem domi, relictis omnibus meis libris in Museo meo Cantuariensi, simul cum re-liquis bonis ac fortunis universis, me per occasionem aquarum spadinarum & itineris

& itineris Palatini subduxii, & apud vestros Colonenses Catholicæ Ecclesiæ in æternum addixi. Itaq; bono iure me ad Illustrissimam Reuerentiam vestram scribere debere existimo non tam ut opem vestram implorem ad calamitates exilij sustinendas, quam ut gratias agam de animæ libertate & salute. Fui quidem nuper & à multis iam annis Regius Concionator, & cum bona ipsius gratia Canonicus Cantuariensis, decanus Teringensis, Rector Romanensis, & Vicarius Themramiensis; sed Ecclesiæ Catholicæ communionem, vestra potissimum opera mihi commendatam, non solum rei iam parte sed etiam ipsi multo ampliori libentissimè prætuli. Quamobrem Illustrissimæ Reuerentiae Vestrae gratias ago quam possum maximas, non solum nomine meo, sed plurimorum in Anglia virorum doctorum qui de lumine vestro lumen suum & ardorem quotidie accendunt: Et humiliter ab eadem peto ut hoc meum officium boni consular, & me suis commendationibus iuvet, & benedictione confirmet. Deus opt. max. ad pacem Ecclesiæ & conuersionem Angliae vestram senectutem aquilinam faciat. Leodij datum Ianuarij 10. 1614. apud Patres Societatis Iesu.

Vestrae Illustrissimæ Reuerentiae deuotus & humiliſis.

Beniaminus Antonius Caticius Anglus Th. Doct.

Ad quæ Bellarminus. Admodum Reuerende & Doctissi. Domine. Lite
ræ tuæ latificauerunt animam meam: Egi gratias Deo quam potui maximas pro dono gratiæ singularis tibi collato, & Nobis per cōmunicatorias literas insinuato. Paucis enim datum est ut inter tot Schismatum & hæresēcontenbras veram Ecclesiam internoscant, sed paucioribus ut ita cognitam diligent ut temporalibus commodis & honoribus, ac potissimum Regis fauoribus (vnde illa tanquam à perenni fonte scaturiunt) magno animo spretis, ad cuius amplexum accurrant. Quod si in exilio isto voluntario ærumnas & angustias propter Dominum tolerare te oporteat, beatus eris: dignus videlicet effetus non tantum ut in Christum verè credas, sed etiam ut pro illo patiaris: Nam quemadmodum nihil erit in futuro sæculo beatius quam esse Christo similem in gloria, sic in praesenti tempore nihil est utilius quam esse Christo similem in passione: hinc enim oritur gaudium illud solidum & perpetuum quod nemo tollere potest à nobis, de quo Apostolus loquitur cum ait, *Repletus sum consolatione; superabundo gaudio in omni tribulacione nostra.* Neque hoc dico quod operam meam in te subleuando præstare nolim, sed quia ex corde gratulor tibi non solum de coniunctione cum Ecclesia Catholicæ, extra quā non est salus, sed etiam de pretioso patientiæ dono quo te à Deo nostro insignitum mihi videre videor. Iam vero quod ad me attinet, nihil est quod mihi gratias agas; nam *Neque qui plantat est aliquid, neque qui rigat est aliquid sed qui incrementum dat Deus.* Erego quod à Matre Catholicæ sum, hoc alijs ministravi. Si quid in scriptis meis vel minus doce, vel minus per-

Ecc 2 spiculæ

1611. spicuè, vel minus solidè posatum est, id solum mihi attribuo. His valeas, vir optime, & doctissime, mei memor in Sanctis precibus tuis. Datum Romæ 14. Februari. 1614. Cardinalis Bellarminus.

Hic sub Iacobo Rege spes suas relque dimisit, viuens & valens, vt Christum nudus potius sequeretur ad sponsæ amplexus, quam splendide vestitus in Aula terrestris Regis Cathedram teneret pestilentiae. Alter eiudem gradus & loci apud Carolum Filium, cùm magni esset nominis & auctoritatis, morivoluit Catholicus, stupente Rege & Aula vniuersitate, satius existimans (vt quidam non infacetè respondit Regi interroganti) animam committere Naui Petri, quam cymbæ Caluini. Atque haec ostendit Deus per interualla conuercionum exempla ut alij vel díscant lequi, vel sua negligentia exclusi condemnentur. Redeamus nunc ad ea quæ nos propius contingunt.

Edmundus Neillius senior. I X. Annos ætatis numerabat W alshamius triginta septem quando ad Societatem accessit: Edmundus Neillius ciudem anni Tyro sex & quadraginta: quem familia ortum per illustri prædiues patrimonium in West-morlandia comitatu velut hæredem sequebatur, si tempori oble-cundare statuisset: sed spe æternorum præsentium vincente speciosam ostentationem, prætulit opprobrium Christi principum delicijs, & Societati se adiunxit Sacerdotio initatus. Annos vixerat octoginta leptem, quando ardente bellis ciuilibus Inglis, lecto à multo retro tempore affixum rapiunt Parliamentarij milites, & impositum carrucæ & vix spiritum ducentem aue-hunt ad quoddam quod in vicino erat oppidum, & tradunt custodiae; At neque in vinculis dereliquit eum Deus; prouiderat enim illi Matronam piam quæ & sumptum omnem faceret, & tanquam parenti ministrare: exactis in ea custodia mensibus nouem, quam libertatem inuiderant Religionis hostes, solutis corporis vinculis à Deo obtinuit.

Præter illam verò quæ tyrocinio est propria culturam animorum, proximo etiam porrecta iuvat auxilia, quotannis aliquot spiritualibus exercitatio-nibus excolendo, alias patri solo extores Islando, & ad toleranda quæ incidunt ardua confirmingo, militibus qui ex vicinis Hollandorum castris profugint docendis ea quæ ad fidem & vitam Christiano dignam spe-stant, ijs denique qui stipendia sub Hispano merentur erudiendis. Quæ atque his similia cum per annos singulos recurrent, semel dixisse satis est, ut ex primis sequentia intelligantur. Annus autem eius læculi decimus (qui fuit Personio ultimus) non tyromam tantum aucto munero (cense-bantur enim duo & viginti, Sacerdotes videlicet undecim, & totidem rerum domesticarum Adiutores) sed noui etiam spe Collegij fuit celebratus, in quo ex Tyrocinio in posterum translati iuniores Philosophicis Theologicis que disciplinis darent operam, prouectiores docendo scribendoque orthodoxam fidem detenderent ac propagarent, ut tanti viri iacturam hac noua accessione Deus lenite voluisse videatur.

X. Iaco.